



Siepeltjes en augurken

(Zilveruitjes en augurken)

Klucht in drie bedrijven

door

D.J. EGGENGOOR

Noar het Grunnegers vertoald deur

E. Torrenga

TONEELUITGEVERIJ VINK B.V.

(Grimas Theatergrime verkoop)

Tel: 072 - 5 11 24 07

E-mail: info@toneeluitgeverijvink.nl

Website: www.toneeluitgeverijvink.nl

VOORWAARDEN

Alle amateurverenigingen die het stuk: **SIEPELTJES EN AUGURKEN – ZILVERUITJES EN AUGURKEN** gaan opvoeren, dienen in alle program-maboekjes, posters, advertenties en eventuele andere publicaties de volledige naam van de oorspronkelijke auteur: **D.J. EGGENGOOR** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de letter-grootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **8** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

PERSONEN:

Jeremia Zwoanepoel - landbouwer, 55 joar

Trui Alebes - zien nicht en hoesholster, 40 joar

Minoa Bakgroag - zuster van Trui, 35 joar

Groadus Bakgroag - man van Mina 40 joar

Salomon van Gelder - negotiemanneke, 50 joar

Hermien Kweldons - n buurvraauw, 40 joar

Albert Kweldons - heur zeun, 20 joar

Adèle Piët (zeggen as Piejet) - n kampeerster, 25 joar

INTERIEUR:

Zitkoamer van n boerderij. Ollerwetse raiten stoulen rond n toavel.
Theekastje mit doarop n theeservies.

Aan de wanden blauwe borden, famillie foto`s en iengelieste teksten.
Links de boetendeur, rechts deur noar keuken. Op de achtergrond n
roam.

EERSTE BEDRIEF

Trui is n sok aan t braaien. Zai is n lelke vraauw en ze hèt òllerwets goud aan, mit schoet veur. Ze hèt ook n òllerwetse bril op woar ze sums en din over hìn kikt. Heur hoar hèt ze ien n knoedeltje. Salomon is n klaine vent mit slimme oogkes ien n wat aarmoudeg pak.

Salomon: (*pakt wat veurwaarpen oet zien kovver*): Kiek es Trui, wat mooi. Gekleurde kouzen, want dat is nou weer modern tegenwoordeg. Twei gulden mor Trui, `t is te geef.

Trui: (*telt de steken van heur braaiwaark*) ...twei, drei, vaaier, vijf. Wat mout ik nou mit gekleurde kouzen, dat is meer wat veur lichte vraauwen.

Salomon: n Koartje elastiek din. Eeuwegdurend rek. Is dat nait wat veur dien molton onnerbroek?

Trui: Goa toch vot mit dien gekke proat.

Salomon: n Poar mooie waarme wanten din. Dat is wat veur de winter. En de Enkhoezer Almanak zegt dat n strenge winter wòrren zel.

Trui: (*stoens*) Ook gain wanten. Bedankt, ik braai alles zulf. Hou kins doe trouwens mit dit weer over winter proaten. De mussen valen hoast van dak òf mit dizze hitte.

Salomon: Mor veurkomen is beder as genezen zee de vraauw van tien kiener, dou ze....

Trui: Jaja, hol mor op mit dien onwieze proat, doar hol ik nait van. En goa nou mor weer vot, want ik heb gain tied om nog langer noar dien gezeur te luustern. (*telt weer heur steken*)... zes, zeuven, acht, negen...

Salomon: Trui, Trui, hes nait n klain beedje meelieden mit mie? Mien schòsstain mot toch ook roken.

Trui: Ik wil mit mien gat nog nait noar die luustern.

Salomon: (*goeit mit n klap de kovver dicht*) Ik geef t op.

Lees doe din mien advertensie ien "De Hogelandster" nait? (*pakt kraant*)

Als t winter is en vriezend weer
ijsbloemen tovert op de ruiten,
de felle stormwind keer op keer
`t zo akelig spoken doet daar buiten.
Kruip dan van kou niet ien uw kelder
maar ga naar Salomon van Gelder
Die heeft voor kou een goede raad
als u maar bij hem kopen gaat.
Manchester lappen, warm en sterk,

voor winterjassen naar uw werk.
Egyptisch linnen voor de vrouwen
waarvan ze rokken jaren sjouwen...

Trui: (*schudt minoachtend mit kòp*) Wat koop ik nou veur dei flaauwekul.
Allemaal fratsen.

Salomon: Wat bis toch ook n zuurproem Trui. `t Is gain wonner da`s doe
der overbleven bis. Ik eet nog laiver n pot zure heerns op, as dat ik mit
die ien bedstee kroep. (*gaait zitten*) En schenk mie nou mor es n kòp
thee ien, want ik heb de haile mirreg nog gain nat of dreugke had.

Trui: (*gaait stoan, kwoad*) Wel dinks doe aigelk wel doe veur hes. Mie
eerst beledegen en rekens din ook nog op n kòp thee?

Salomon: Ach Trui, tou nou, ik mainde t nait zo. Doe kins mie toch wel?
En kiek es, dit is veur die. (*geft heur n stukje zaip*) Dat geef k allain
aan klanten dei k geern maag. En zaip wòrt n schoars artikel nou dei
eulie-sheiks zukke roare dingen doun.

Trui: (*genoadeg*) Dank je wel Salomon. Ik zel dit stukje mor bie mien
aner zaipveuroad leggen, want dit kin ik die wel zeggen, ik heb mien
moatregelen nomen. Ien keller heb k aal n haile veuroad wc-pepier
en waspoeier liggen.

Salomon: Ik maak t wel. Zulfs zo`n euliecrisis krigt die der nait onner.

Trui: Dei eulieseikers springen mie de paan nait oet.

Salomon: Enne... hou staat t mit dien thee?

Trui: Ik zel veur dizze keer dien schandoalege opmaarkens deur de
vingers zain mor de vòlgende keer..... (*schenkt thee ien*).

Jeremia: (*op, n frizze vent ien overaal*) Schenk mie ook mor n kòpke ien
Trui. Zo Salomon, ook weer es op boerderij?

Salomon: Joa. Mor aan Trui kin k nooit wat verkopen. Dei zit te brouden
op heur geld, ien de hoop dat t nog meer wòren zel.

Trui: (*zet kòpkes op toavel*) Zuneghaid mit vlijt bouwt hoezen as
kastelen.....

Salomon: (*mit opstoken vinger*) ..en as Trui heur nait verschoont krigt ze
loezen as kemelen.

Trui: (*stoens*) Jaja, hes mond wel op gòie stee zitten, Salomon.

Salomon: (*drinkt thee*) `t Is nat mor nait lekker.

Trui: (*kwoad*) Wat nou weer?

Jeremia: (*korzeleg*) Wat is dit veur peerdemieg Trui!

Dei rommel is ja nait te drinken.

Trui: Hou kin dat nou? `t Is pas t vaaide zetsel van dit theezakje.

Salomon: `t Vaaide zetsel?

Jeremia: Dizze troep zet ik ons kat nog nait veur. Ik mout mie schoamen
tegenover Salomon. Wie leven toch nait van de biestand?

Trui: Nee... mor eh....

Jeremia: Goa nije thee zetten, Trui!

Trui: Ik ben aal vot. Ik goa aal! (*òf mit theepot*)

Jeremia: Hier zegd en doar zwegen, Salomon, ik heb nog laiver dat ze vandoag as mörn opstapt.

Salomon: Mor zo`n òldbakken toart krieg je zo ain, twei, drei de deur nait oet.

Jeremia: Dat is mor al te woar. Noa de dood van mien vraauw, nou al weer zo`n twei joar leden, stond ze hier opains bepakt en bezakt veur deur. Ik zel joe wel helpen oom Jeremia, ik heb toch niks om hannen. As man binnen je din allaang blied dat je wat hulp kriegten. Wat duurt dat ja laang mit dei thee, ik zel die eerst mor es n borrel ienschenken. (*schenkt n borrel ien*)

Salomon: Ze is vast nait makkelk ien omgang, wil ik wedden.

Jeremia: (*zet gloazen op toavel*) Asjebliedt. Ien t begun konnen je Trui wel hemmen. Dou waas t oom Jeremia veur en noa. Mor tegenwoordeg is t zeuren en nog es zeuren. En ze is verrekete zuneg. `t Eten wat hier op toavel komt, doar wòrren je nait vet van. `t Zol mie niks verwonnern of Trui bruukt t closetpepier aan baaide kanten.

Salomon: Enne.... hou zit t mit de centen.

Jeremia: Ik geef heur roem hoesholtgeld en boetendes n goud loon. Mor as ik heur vroag woar aal dat hoesholtgeld blift, din zegt ze altied; alles is zo duur oom Jeremia, alles is zo duur. En as vraauwen over duurte begunnen din kinnen je as man zijnde er beder t zwiegen tou doun.

Salomon: Stuur heur din terug.

Jeremia: Trui hèt altied bie heur zuster Minoa ienwoond. En Minoa is ook n haaibaai mit hoar op koezen. Dei is trouwt mit Groadus Bakgroag, onner ons gezegd, n zak van n vent. As Minoa zegt, pak ze Bello, din maag hai blavven.

Salomon: Dus Minoa wil heur dus ook nait terug.

Jeremia: Nee, want dei baaide waren altied aan t bekvechten, mit Groadus as n lamme hond der tussen ien.

Trui: (*op mit theepot*) Hier is nije thee! (*zicht din de borreltjes op toavel stoan*) Is dat nou neudeg oom Jeremia? Te pas en te onpas wòrt hier staarke drank schonken. As dat zo deurgaait din roaken joe der aan versloafd.

Jeremia: Zeur nou nait en schenk dei thee ien.

Trui: Goud, ik zeg aal niks meer. (*schenkt ien*).

Salomon: Vraauwluu! Dat binnen net kikkers.

Trui: Dat verband ontgaait mie.

Salomon: Oh, dat is hail ainvoudeg, Trui. Joe hemmen t altied kolt, kwoaken altied en joe hemmen altied n grode bek.

Trui: (*gaait kwoad zitten en braait verder*) Ach doe, òlle bok!

Salomon: Nou nait kwoad wòrren, Trui. Doe kins toch wel tegen n grapke? (*drinkt thee*) Doe hes hail wat tenten en caravans op de camping stoan Jeremia.

Jeremia: (*enthousiast*) Ja k heb dit seizoen topmoanden. Deur de euliecrisis zuiken de minsen t wat dichter bie hoes. En din mos ook nait vergeten, dat wie n haile mooie zummer hemmen.

Salomon: (*knipt mit vingers*) En bie die rinkelt de kassa.

Jeremia: (*lagt*) Doar loat ik mie nait over oet. Mor ik kin die wel vertellen, dat k blied bin dat ik noa de dood van mien vraauw de haile boerderij aan kaant doun heb. Ik wol dou haildaal opnij begunnen en aal dat òlle overboord goeien.

Salomon: En wat dat betreft is die dat ook lukt. Doe hes der n mooi bedrief van moakt. n Mooi zwembad en n grode kantine.

Trui: (*stoens*) Dat zwembad is n poel van zedelek verval.

Salomon: Trui, Trui. Doe mos mit de tied mitgoan.

Trui: Mie nait gezain. (*gaait stoan en lòpt noar t roam*) Mos ze doar nou es zain liggen ien zun. `t Liekt wel of minsen haildaal gain schoamtegevuil meer hemmen. Bah, aal dei dikke lieven van dei kerels.

Jeremia: Doe mos de minsen nait aantasten ien heur vrijheid.

Trui: Aantasten? Ik zol dat gore stel nog nait mit n taang aan willen pakken. Kiek toch es aan! Plons t woater ien, plons der weer oet. En dat krioelt mor deur mekoar. Noakte mannen, noakte vraauwen! De ienwoners van Sodom en Gomorra waren der niks bie. n Stel zundagsschoullerlingen binnen t.

Jeremia: Ach drief toch nait zo deur, Trui. Ze hemmen allemoal nedde zwemgoud aan.

Trui: (*minachtend*) Zwemgoud zeden joe toch? Nou ien mien oogn is t meer n bedekken van vitoale dailen. Ain poest wiend en de lapkes valen.

Salomon: Loat dei minsen doar toch n beedje sparrelen. Ze hemmen toch vekaanzie? Mien baaide jongens komen hier ook geregeld zwemmen. En netuurlek komen ze hier elke soaterdag ien de kantine om te luustern noar dei popgroepen. Dei groep van verleden week vonden ze goud. De noam is mie ontschoten.

Jeremia: Ei ei en de klutsers.

Trui: (*fel*) Ik zol dat stel groag es goud deur mekoar huzzelen. Ien vodden binnen ze kled en bozzen hoar op kop as kopstubbers. Ain week ien de biotex en din opkoken ien sodoawoater.

Salomon: Doar is de jeugd nou ainmoal gek op. Mor ik mout ook niks van dat meziek hemmen.

Trui: (*fel*) Mooie meziek! Hou harder hou mooier. She loves you yè yè yè (2x). Ik dou de haile naacht gain oog dicht. En as ik sundagsmörns noar de mis goa, din heb ik barstende kòppien en kin k gain woord verstoan. En meneer pestoor proat toch aal zo zachtjes.

Jeremia: Dat kins dei man nait kwoalek nemen. Hai is aal 92 joar.

Salomon: Mien vraauw zee veurege week ook aal, t wòrt tied dat wie n jonge kriegien en dat ons òlle pestoor ientreedt ien de Orde van de Hailege Kiendshaid. (*gaait stoan*) Mor kom, ik stap mor es op. De daag is nog nait veurbie en der mout wat verdaind wòrren. Bedankt veur de borrel en netuurlek ook veur de thee. (*òf*)

Baaide: Tot kiek Salomon!

Jeremia: Ik goa ook mor weer es aan t waark. Is Adèle hier vanmirreg nog west, Trui?

Trui: Gelukkeg nait. En ik hoop ien de toukomst ook van de bezuiken van dat vraauwspersoon verschoond te blieven.

Jeremia: Dat vien ik nait mooi van die Trui. Adèle is n oarege maaid.

Trui: (*geprikkel*) Ik begriep nait wat joe ien dei maaid zain, oom Jeremia. Ze lòpt joe de haile daag veur de vouten mit heur stadse fratsen.

Jeremia: (*streng*) Ik wil nait hemmen da`s doe zo over heur proats.

Trui: `t Is n achterbakse troel. En de noam is ook aal zo lichtzinneg. Adèle... dèle... dèl. Plak der n R tussen en joe hemmen n drel!

Jeremia: Woag t nait om weer zukswat te zeggen Trui, aans...

Trui: (*haalf jankend*) Goud! Trui zegt al niks meer.

Trui zel wel opstappen, want Trui wait wanneer ze te veul is.

Jeremia: (*legt haand op heur scholler*) Tou nou Trui!

Trui: (*snoft ien heur buusdouk*) Dou taande Rikoa oet tied kwam, nou al weer twei joar leden, heb ik direct tegen miezulf zegt: Trui Alebes, doe mos oom Jeremia helpen want dat is dien plicht as Christen. Haard waarkt heb k hier, van s mörns vroug tot `s oavends loat. Niks waas mie te veul. Ik wilde allain mor n ploats bie kachel want ik bin ook mor n vraauw allain. En wat heb ik kregen? Stank veur dank en n grode bek op koop tou.

Jeremia: Ik bin die ook hail dankbaar Trui. Echt waar.

Trui: Zeg mie din wat dei Adèle wel hèt en ik nait.

Jeremia: Loaten wie ons doar mor stil over hollen, aans zitten wie hier vanoavend om twaalf uur nog.

Trui: (*laif*) Kiek es oom Jeremia wat k hier veur joe braai. n Poar lekkere waarme sokken. Zukswat zel zo`n stadse flodder as Adèle nait veur joe doun.

Dei stadsen kieken altied n beedje op ons, het boerenvolk deel.

Jeremia: Dat waas vrouger zo, mor dat ligt nou hail aans. Vrouger zeden ze ien stad altied; twaalf boeren en n bunzel binnen dattien stinkers.

Mor vandoag de dag trekken ze allemoal noar t pladdeland. Ze vienen alles "heerlijk en fantastisch" as der mor n mislucht aanzit. Mor ik goa nou noar de kantine. Mocht Adèle komen, zeg heur din dat ze mie doar vienen kin.

Trui: Ik zel bòsschop overbringen.

Jeremia: (*bie deur*) Oh, veur ik t vergeet, der komt hier straks n euliesheik mit n caravan. As hai der is roup mie din even. Ali Ben Yoessoef hait de man.

Trui: (*verboasd*) n Eulieseiker? Wat mout zo`n vent nou op ons camping? En wat n roare naam veur zo`n vent! Alie! Nou ja, ze hemmen ook altied van dei laange rokken aan, dus wat dat betreft...

Jeremia: Hai wil zien collectie Old Hollands boerenantiek wat oetbraaien, dat schreef zien siktoares mie teminste.

Trui: Zolang hai zien collectie Hollandse vraauwen nait mit mie wil oetbraaien is t mie allaang goud. En as hai komt zel k joe roupen want mien Arabisch is de leste tied nait al te best.

Jeremia: Hai proat Hollands, want hai is vrouger ien Nederland op schoul west.

Trui: Dat komt mooi oet. Din zel ik hom wel es persoonlek zeggen hou Trui Alebes over dei euliecrisis dinkt.

Jeremia: Doe kins aan dei euliecrisis niks verannern. En boetendes is Ali Ben Yoessoef n klant van ons.

Trui: Jaja, ik wait t. De klant is keuning.

Jeremia: Hol doe dien tong mor n beedje ien toom. Tot straks. (*wil òf*)

Trui: (*poeslaif*) Waark nait te haard, oom Jeremia. Joe hemmen altied aal n zwakke gezondhaid had. En joe hemmen t vot te pakken. `t Zol beder wezen as joe n waarme sjaal omdeden. Ik zol nait waiten wat ik doun mos as joe wat overkomen zol.

Jeremia: Ik hol der nait van om betuddeld te wòrren, Trui. (*òf*)

Trui: (*kwoad*) Nee, ik nait! Mor as Piet mit de puntjes t mor was. As dei n beedje zörgzaam veur hom is, din kikt oom Jeremia as n kwielnde hond, dat lelke serpent. Oh, as ik zulf mor genug geld haar, din haar k hom allaang de hakken zain loaten. (*woedend*) En t gaat mis, glad mis mit dei Adèle Piët. Dat loeder van n wief. Nog even en oom Jeremia is riep veur traauwen. En hai lòpt mit open oogn ien de val, dat stomme zwien. As ons Minoa nou mor komt. Dei wait overaal road op. Mien braifkoart mout ze aal laang hemmen. (*bel gaat*) Wel kin dat wezen. (*kikt oet t roam*) Laive tiedpot nog aan tou, t is Hermien Kweldons, dei òlle zeur. (*òf*)

Hermien: (*op, din Trui. Hermien hèt n felgekleurde jasschoet aan, hoog opstoken kapsel, ze droagt n bril. Zai is over heur toeren en schreit zenuwachteg ien n buusdoekje*) Oh Trui... t is zo ver... vandoag gaat

t gebeuren.

Trui: Woar hes t toch over minsk.

Hermien: Ons Albert! Ons Albert gaat vandoag ien dainst. t Aarme kiend! t Laive kiend!

Trui: (*gaait zitten*) As t aans niks is. Ale jongens mouten ien dainst. Doar hufs doe toch nait zo`n rebulie om te moaken.

Hermien: Mor ons Albert is nog nooit van hoes west. En nou komt dat kiend doar tussen aal dei soldoaten. En hai is zo gevuileg! Overgevuileg zegt ons dokter. Hai hèt hail tere zenen, dat zegt dokter ook.

Trui: (*is weer gaan braaien*) Heur es even Hermien, doe wais dat ik r nait van hol om minsen noar de mond te proaten. `t Is hail goud dat Albert onner de minsen komt. Hai is veul te ainzulveg. En zo as doe mit dien zeun om gaais, doar zol elk minsk zenuwpetient van wòrren. Dien man is der nait veur niks van deur en weer noar zee tou gaan.

Hermien: `t Is gemain van die om dat te zeggen Trui.

Frederik is drei joar leden weggaan en ik heb nooit weer wat van hom heurt. Volgens mie is zien schip mit man en muis vergaan en hèt hai n eerlek zeemansgraf vonnen. (*triest*) Ik heb vanòf dei tied nooit gain vis meer eten.

Trui: As doe t mie vroags din is der gain sproake van n zeemansgraf, mor leeft dien Frederik op zo`n tropisch ailand ien de stille zuudzee mit n knappe negerin en n nust vol jongen. Dat is hail wat aans as zo`n zeurderege òlle deus as doe bis. En as doe nait oppaast gaat Albert dezulfde kaant op.

Hermien: O, nee, ons Albert nait. (*snikt*) As ik door aan dink wòr ik r haillemaal roar van. Ons Albert, allain op zo`n grote sloapzoal. En wel zel hom toustoppen? En wel gef t hom n nachtkus? Want loof mor nait dat de sergeant door tied veur hèt.

Trui: (*dreug*) Kins nooit waiten! Hes der roare sergeanten tussen lopen tegenwoordeg.

Hermien: Wat mout hai zunner mie begunnen. As t onweerde din kroop hai altied bie mie onner dekens. En ons Albert verdainde net zo mooi op de melkfabriek. De diricteur was toch zo wies mit hom. Ons Albert dee de haile boukhollen.

Trui: Veur hom doezend annern.

Hermien: En `s oavends as dainst der opzit din nemen dei annere soldoaten ons Albert netuurlek mit noar kroug. En hai drinkt allain mor waarme melk en op hoogtied-doagen n glaske alcoholvrije likeur. En din proat ik nog haildaal nait over dei vraauwen van de lichte cavalerie dei doar netuurlek rond de kezerne zwaarmen as motten om n laamp.

Albert: (*op. Hai hèt laifst n òllerwetse soldoatenpak aan en aan zien raim*

dragt hai wat gebruiksveurwaarpen zoas n pan, n theepotje, n schillerijke enz. Op zien kòp hèt hai n òllewetse dainsthelm en ien zien haand n òllerwetse tas dei bliekbaar van zien moeke west hèt en ien zien aner haand n teddybeer en n gummy-aindje) Zo moe, ik bin kloar.

Hermien: (*schreiend*) Oh kiend, kiend toch! Wanneer zain wie mekoar weer?

Albert: (*dei hom n beedje schoamt*) Over vaaier weken moe, dat waiten joe toch wel. (*geft Trui n haand*) Tot kiek Trui en dou de groeten aan Jeremia Zwoanepoel.

Trui: Ik zel ze overbringen. `t Beste din mor en moak t nait al te bont. Drink nait te veul en loat de wilde vraauwen mit rust.

Hermien: Oh Trui, zeg toch nait van dei roare dingen. Moag draait mie om ien t lief. Hes nou alles mitnomen wat ik veur die kloarlegt heb?

Albert: Joa moe, k heb niks vergeten.

Hermien: Dien teddybeer woars doe altied mit sleps? En dien aindje? Doar speelt hai altied mit as hai ien bad zit.

Trui: Laive tied wat binnen joe toch n flauw stel. Hes sums zien bietring en zoegvles ook nog ienpakt, Hermien?

Hermien: Lach doe mor Trui. Doe wais nait wat t moeke wezen betaikent. As ze klain binnen trappen ze op joen schoot en as ze groot binnen trappen ze op joen haart.

Albert: (*beschoamd*) Tou nou moe. Der binnen vremden bie. Trui lagt ons oet.

Hermien: Trui is n òlle vrijgezel zunner kiend of kraai. Ze is bejoard, n òlle toart en ze hèt nog nooit n kiend boart!

Trui: (*stoens*) Gelukkeg nait. Ik hol wel van kiener, mor je mouten ze nait heuren en ook nait zain!

Albert: (*kikt op zien horloge*) Nou mout ik echt weg moe, aans hoal ik de bus nait meer.

Hermien: (*klamt heur snikkend aan hom vast*) Oh kiend, zels goud oppazen. En dou nait te veul jus op dien eerappels, want doar krigs zuurbrannen van. Enne.... as doe de kapitein spreks, neudeg hom din oet. Din kin hai hier es komen om ons spul te bekieken. En dink der aan Albert, doe mos altied om de grappen van dien superieuren laggen. En kiek oet veur de vraauwen laif kiend.

Albert: Wat veur soort vraauwen moe?

Hermien: Vraauwen dei heur nait zo klaiden as ik en Trui. Ondeugleke vraauwen.

Adèle: (*op, luchteg gekled bv. ien kòrde broek, sjaaltje om heur kòp*) Gòiemirreg allemoal. Wat n hitte hè. Ik bin te loom om mien aine vout veur de aner te zetten.

Hermien: (*fel*) Vraauwen zoas dei doar, mit blode bainen en gevaarfde

lippen. Zundeg tuig is t en aans niks. Dat soort moakt de kerels de kòp gek. Dien pa zol ook voak veur de verlaiden bezweken wezen as ik dat nait veurkomen haar.

Trui: (*dreug*) Dien pa haar n goud oog veur t vraauwelek schoon Albert. Veuraal t rondborstege type laag hom!

Adèle: Wat hes die ja mooi opdost Albert. Dus mit aan n carnavals optocht?

Albert: Ik .. ik goa ien dainst. Ik mout noar de Harskamp.

Adèle: Mor doar kins doe best ien dien börgergoud hìn goan. Ien de kezerne krigs doe n nije oetrusten. n Bruier van mie...

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto